



Iesus guarit la belle-mere de S. Pierre d'une fièvre : & plusieurs autres tourmentez des malins esprits, & de diverses maladies.

L E S V S ayant fait plusieurs exhortations extraordinaires, & non encores accoustumées aux Israélites, a voulu autoriser sa doctrine par miracles, & signes prodigieux. C'est pourquoy estant sorty de l'Assemblée, il vint en la maison de Simon Pierre, & André, avec Iean & Iacques, & ayant veu la belle-mere de Pierre gisante aulit, ayant la fièvre, touchant la main d'icelle il commanda à la fièvre de se retirer, laquelle à l'instant la laissa, & soudain elle se leua, & seruoit. Or sur le Vespre comme le Soleil se couchoit, on luy amena des Demoniacles, & des personnes qui auoient des maladies diuerses, & mettant les mains sur chacun d'eux les guarissoit, & iettoit hors des corps les malins esprits; par sa parole: & plusieurs estoient guaris qui estoient tourmentez des malins esprits; & les Diables sortoient de plusieurs, crians & difans, Tu es le Christ, le Fils de Dieu; & il les reprenoit asprement, & ne leur permettoit point de dire qu'ils sceussent qu'il estoit le Christ.

S. Matthieu Chap. 8. S. Marc Chap. 1. Luc Chap. 4.